



UNIVERSITÄTS-
BIBLIOTHEK
PADERBORN

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.l.], 1711

XXIII. Decem plagæ Ægypti.

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

tis verbis exponit: Israëliitarum omne nomen, itinere triduo, poscit in Arabiae deserta emitti; Deo coeli victimis illic certis, ac lege praescriptis, sacrificaturum. Adquae postulata Tyrannus graviter excandescens, eos non tantum a se repulit, eiecitque; sed mox dirius etiam Hebraeos haberi iussit, adigique ad stipulas, paleas, & omnis generis quisquilias undique comportandas, sectasque luto miscendas, & laterum pensum severius praestandum; instantibus operum praefectis, qua verberibus, & nudata terga, loris ac flagris scindentibus. Ita furentem Tyrannum, cum Moses & Aaron, mandato divino, rursus convenissent & populi dimissionem nequicquam urissent, denique expugnanda, plectendaque pertinacia, ad prodigia & supplicia ventum est. Nam Vindicta divina a mitioribus remediis ad acriora; & a minoribus supplicijs ad extrema procedit, tantoque ferit durius, quo lentius coquit in obstinatos fulmen.

NAR. XXIII.
**DECEM PLAGÆ
 ÆGYPTI,**
 Exodi 7. 8. 9. 10. Anno M. 2543. Ante Christum 1510.

Sicut Pueri nequam, & perversi verberibus sunt duriores, ita Scelerati flagellis a DEO incussis. Posteaquam missionem deneganti Pharaoni, & inani potius cupiditate, quam obsequendi voluntate, legationis indubitabilem veritatem,

tem, jubenti prodigijs obfignari, innoxia primùm
spectacula exhibita fuerunt, virgâ Molis pastoritiâ,
ab Aaraone ante Regis oculos projectâ, & in ser-
pentem conversâ, colubrôque magorum incanta-
tionibus productos, devorante; horrendæ tandem
plagæ & obstinato Tyranno, & toti Ægypto incu-
buerunt; excepta regione Gessenâ, ab Hebræis in-
habitâ. *Prima* itaque *plaga* fuit, Nili virgâ Mo-
seâ percussi mutatio spissum in cruorem; cuius un-
da, piscibus & crocodilis extinctis, putrefacta, ad
potum inhabilis Ægyptijs est effecta. Quæ poena
cæteras etiam aquas, lacustres, fluviales, ac fon-
tanas involvit: ut ad effodiendorum fontium no-
vorum laboriosam necessitudinem adigerentur Æ-
gyptij.

Non multò post iisdem in undis, è quibus pri-
mùm cruor eductus fuerat, *Ranarum* immanis pro-
tracta multitudo; coaxatione, lue, sordibus, ac
falu, quidquid in Ægypto publicum erat & pene-
trale, complet; ne cubilibus quidem, lectulorùm-
que recessibus illi fæditati relictis inaccessis. Ra-
nas secuti sunt *Cimphes*, seu culices è terræ pulve-
re producti: genus animalculi minutissimi, pen-
natum; quod in aëre suspensum, ingentium instar
nubium, sed si singuli volent, oculis indeprehen-
sum, stimulet prius ac vulneret, quam prævisum
caveri queat. Eorum examina, velut extensa nu-
bes, totam obumbrabant Ægyptum, aculeatis cor-
pora stimulis terebrantes, nares etiam aurésque
pervadentes, in oculos involantes.

Ciniphibus *Muscæ* successerunt, omnis generis ac
nominis muscæ, quæ copiâ, volatu, probosçide,
ma-

maculis, & inquietudine; quin & admorsu, linctūque foedo gravabant homines, mordebant jumenta, contaminabant mensas, inquinabant vestes ac vasa, pervagabantur omnia: Terram tantummodo Gessenam relinquebant intactam. Quod idem discriminis alio quoque tempore videre fuit, Ægyptios inter & Gassenos inquilinos. Cū illos quidem, muscīs, jam depulsīs, pecorum *pestilitas* ac strages; humanorum item corporum *ulcera* turgentia torquerent: Cū item magnitudinis inauditæ *grando*, fulminum discursu mixta: grandinque succedens *locustarum* innumerabilis multitudo; post locustas verò *tenebræ* triduanæ densissimæ cruciarent. Hebræis autem in Gesseno tractu, suum pecus, sanitas; segetes, horti, luxque serenissima constarent indemnia. Graves hæ, non antehac mortalibus auditiæ compertæque plagæ, nec tum quidem obstinatum regem, & Ægyptios permoverant: ut æquamente, quod Israëlita petebant, eis concederent; fluctuante Pharaone semper animo, & nunc ablitum promittente, mox negante, ac pernegante: nunc portentis tertiò, ac pertinaciæ pænitente; paulò post in veterem pervicaciam relapsò, tanquam ludus quidam ac voluptas esset, *Iratum variè semine*
DEVM.

Ad Insitam Tyranni cruditatem, & moribus sævis irroboratam duritiem, haud parùm momenti attulerunt, consultores mali, pessima regiarum pestis, duo superstitionum Ægyptiarum præfides, ac sacrificuli, *Iannes* ac *Mambres* perpetui Mosis ac divinæ Legis oppugnatores. Erant hi præstigiatores ac Magi, simiæque Mosis & Aaraonis, conati, quid-

quid egissent illi, Tartareis & ipsi viribus agere: miraculorum verè divinorum elusione fallaci. Tentarunt hanc elusionem impostores illi, quoad Numinis permissu concessum est: virgarum in viperas mutatione, rivorum in cruorem conversione; ranarum ex undis evocatione; ciniphum autem è pulvere suscitaturi copias, altiore vi prohibiti, defecerunt: *DEI digitum illic*, non hominis aut dæmonis operam esse, confessi. Peste verò jumentis, & ulceribus immixtis Ægyptiæ genti, ne consistere quidem coràm Mose sano valentéque, nedum incantare Magi sustinuerunt, doloris magnitudine subigente.

Has inter *DEI* Legatorum, ac Regis contentiones atque certamina, dilapsò jam annò, Moses Numinis præceptò profectionem indicit suis: aui ab Ægyptijs, ad ea, quæ forent in futurum exequenda sacrificia, multa vasorum suppellectili, tum ex auro, tum ex argento, vestibusque pretiosis mutatis, pretiosissimis eos rebus sub specie mutui exspoliârunt, *DEO* Præceptore summo, jus dicente, cujus est terra, terræque plenitudo. Cæterum atrocissima præ cæteris plaga hunc in modum inflicta est. Agnus ubi præscriptus in cænam, ex lege ritique consumptus ab Hebræis erat, lumborum tenus præcinctis, manu baculos tenentibus; mediò noctis intempestæ cursu, silentibus omnibus, altumque stertentibus, Angelorum sub unius é præcipuis vexillo, repentè de cælo decurrit innumerable exercitus. Hic somnijs primùm horrendis, Ægyptiorum perturbat quietem. Mox districtis imperij divini romphæis, quidquid in Ægypto tota

primò natum aut jumentorum esset , aut hominum , inaspecta trucidat plaga : thalamis ac stabulis Hebræorum , quorum postes agni cæsi sacro cruore erant illiti , cunctis prætermisís. In ea strage Pharaonis quoque cecidit filius , in spem ac successionem imperij destinatus. Clamor erat morientium , cum clamore parentum mixtus ; & ululatu vesano , planctibusque cælum feriebatur ; illætabilis ubique questus , confusique luctus ac funera.

Primus Pharaeo cum Optimatibus , mox omnis Ægyptus urgere Hebræorum abitum , rogitaréque , ne cunctarentur ; neque venerat in mentem , ut quæ paucis ante diebus pretiosa vasa cum vestimentis ac supellectili commodatò dederant , ea nunc , ante profectionem repeterent. Haud minori studio , quàm urgebatur , Israëlitæ quoque discessum festinabant ; raptim omnes ac singuli , pro se quisque pecora sua , filios , jumenta , sarcinas , ac , quæ portari possent , fortunas eripere. Quòd verò cocti jam cibi nihil , nisi quod sale forsàn conditum , & in dururnitatem sepositum esset , ad manum occurreret , farinam conspersam , & aquâ tantummodò , sine fermenti mixtura , madefactam pallijs involvere : tum humeris iniicere , sive suis , sive famulorum & ancillarum. Inter cætera verò , quorum simul effendorum eos cura stimulabat , non oblitus est Moses ossium , reliquiarúmque corporis Iosephi , castissimi Patriarchæ , ne voluntatem ipsius supremam præteriret. *Et alioquin vivorum felix comes est , Divi Sanctus , etiam extinctus* , quippe virtute cælestis hominis in mortuis etiam ossibus , adhuc spirante.